



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 20. Reditus Alexandri Papæ Romam.

[urn:nbn:de:hbz:466:1-66377](#)

Sæcul. XII. rent, nihil prius ratum babuerit, quam
A.C. 1165. posita prima conditione; se semper Ec-
clesiæ & Regi Franciæ fidem integrum
servaturum. Ita Rotruvius Angliæ Lega-
torum acta, antequam ab Imperatoris
curia rediissent, falsa esse denunciat.
Ceterum fœdera illa nuptialia inter Hen-
ricum Leonem Ducem Saxonie & Mathil-
dem filiam Regis Angliæ natu majorem
tractabantur.

I. ep. 41. Alexander Papa, accepto Episcopi
 Londinensis responso, acquiescere visus
 est, gratiasque egit, quod curam gereret
 Regis in officio erga Ecclesiam conti-
 nendi. Rogavit, ut ad consequendum
 hunc finem cum Archiepiscopo Roto-
 magensi, Episcopo Herfordiensi & Mathil-
 de Imperatrice operam jungeret. Data
 est hæc epistola vigesima secunda Au-
 gusti anno millesimo centesimo sexagesi-
V. Baudr. mo quinto in loco, qui tunc *Gradus Mer-*
Gradus. *curii* dicebatur, eratque ostium Rho-
 dani prope Magalonam.

§. XX.

Reditus Alexandri Papæ Romam.
Att. ap. Ba- Nam Pontifex iter suum prosequens
ron. Claromontio Anicum in Arvernia,
to. 10. Cont. & inde Montispessulum pervenit, ubi
p. 1336. usque ad Festum Dominae Nostræ in mense
ep. 71. Augusto commoratus est. Ex illa civi-
 tate, data ad Regem Franciæ epistola,
 roga-

rogavit, ut si in Regno ejus vel Epi- Sæcul. XII.
 scopatus vel quædam Abbatia decadente A. C. 1165.
 Præsule vacaret, hujusmodi Beneficium to. 10. Conc.
 Thomæ Cantuariensi conferri curaret, p. 1328.
 ex quo ipse cum suis sustentaretur, quoad ep. 57.
 demum cum Rege Angliæ rediret in p. 1347.
 gratiam. Scripsit quoque Papa Regi ep. 87.
 Franciæ, commendans nuper electum
 Episcopum Carnutensem, qui Regis
 jussu Pontificem salutaverat. Erat is
 Guilielmus *candidis manibus*, filius
 quartogenitus Theobaldi IV. Comitis
 Campaniæ, Regi affinitate juncti; quippe
 Parens ejus, Guilielmo filio a prima
 ætate Dignitates Ecclesiasticas destinans,
 S.Bernardum rogaverat, ut ei faveret,
 quam curam recusans S. Abbas responde- ep. 271.
 rat, hujusmodi officia illis tantum de-
 beri, qui ea digne obire & possent &
 vellent, nec licitam rem esse etiam adul-
 tis, plura possidere. Guilielmus *candi-* Gall. Chron.
dis manibus primum fuit Præpositus ad to. 2. fol. 490:
 S. Cyrum Provini, tum, Roberto II.
 Episcopo Carnutensi vigesima tertia Sep-
 tembris anno millesimo centesimo sexa-
 gesimo quarto ad æterna translato, anno
 sequente ad Sedem vacantem enectus
 est, concessitque Alexander Papa ju-
 veni quinque annorum inducias, quibus
 elapsis demum consecraretur. In hujus Rob. de
 ergo Guilielmi gratiam Papa Regi ipsius monte ann.
 affini scripsit, ac in eadem epistola hor- 1165.
 tatus

Sæcul. XII.
A.C. 1165.

tatus est, ut causam Ecclesiæ defendaret, nec solicitationibus Friderici Imperatoris mutari se pateretur. Hæc Papa epistola Montispeffulo decima nona Augusti data.

Contin.
Aimoïn. c.
ult. Alber.
an. 1165.

Sub idem tempus in lucem editus Ludovici filius totum Regnum & in primis Regem patrem ingenti lætitia affecit, diu multis precibus expetitus. Ut hanc gratiam a Deo obtineret Ludovicus cunctorum virorum piorum orationi se commendabat, cumque Capitulum Generale Cisterciensium adiisset, in terram procubuit extensis manibus, noluitque surgere, nisi postquam omnes orassent, & Dei nomine promissent, brevi filium ei nasciturum esse. Is primo lucem aspexit Lutetiae Parisiorum illa nocte, quæ inter Sabbathum & Dominicam, diem vigesimam secundam Augusti anno millesimo centesimo sexagesimo quinto intercessit. Eadem die a Mauricio Episcopo Parisensi baptizatum e sacro fonte levarunt Hugo Abbas S. Germani de pratis, Herveus Abbas S. Victoris, & Odo Abbas S. Genovevæ, Constantia Regis Soror Comitissa Tolosa, & duæ matronæ viduæ Parisienses. Appellatus est Philippus, addito cognomento, Adeodatus.

to. 10. Cone. Aliquot abhinc annis, scilicet cum
p. 1333. ep. Alexander Papa in Franciam venit anno
65. Et c. mil.

millesimo centesimo sexagesimo secundo, Sæcul. XII.
 adfuere Legati duo Manuelis Imperato- A.C. 1165.
 ris Constantinopolitani, cum literis &
 Mandatis arcanis, ad Papam & Ludovi-
 cum Juniores directis. Regi scribebat *Duchesn.*
 Manuel, quod ipsius testimonio nixus *to. 4. p. 612.*
ep. 136. &c.
 Alexandrum legitimum Papam recipiat,
 debito cultu eum prosequatur, & ejus
 precibus adjuvari petat. Ex quibus *Manuel I.*
cognoscimus, quod Imperator Græco-
 rum se in Communione Ecclesiæ Romanæ
 existere crediderit. Postea ad Papam,
 iter Romam ingressurum, epistolam de-
 dit in hæc verba: *Scripsisti mibi, quod*
nobilissimus Rex Franciæ cum aliis Prin-
cipibus ad auxilium Terræ Sanctæ feren-
dum moturus sit. Valde gratum id mibi
accidet, ut antea scripsi; transitum con-
cedam & commeatus præbebo. Sed me
quoque securum præstari oportet, quod
Imperium meum nullis militum vexationi-
bus atteratur, & omnes civitates Turcis
in Romaniae eruptas, quarum Catalogum
Apocrypharii mei ad vos detulerunt, mibi
reddatis. Quia vero Sanctitas tua hujus
expeditionis auctor est & rector, cupio
ut cum exercitu Cardinalem mittas, qui
improborum temeritatem refrenet. Nam
fieri non potest, ut in tanta hominum
multitudine non etiam contumaces &
stultos invenire sit. Hæc epistola mense
Martio Indictione decima tertia, nempe
anno

ap. Baron.
an. 1180.

Sæcul. XII. anno millesimo centesimo sexagesimo
A.C. 1165. quinto, data est (*).

Alexander Papa civitate Montispes-
sulana intra Octavam Assumptionis B.M.
relicta, post navigationem periculis ple-
nam, Messanam appulsus est. Quod
ubi ad Guilielmum Regem Siciliæ tunc
Panormi agentem delatum, mandata
misit, ut Papæ, quem Patrem & Domi-
num suum reverebatur, congruus honor
haberetur, jussitque offerri dona, Regia
munificentia digna. Triremen purpu-
reis velamentis ornari, ac instructu mili-
tari muniri præcepit, qua Summus Ponti-
fex veheretur, & quatuor alias parari,
quas Episcopi & Cardinales concende-
rent. Mandata cuidam Archiepiscopo
& compluribus Optimatibus dedit, qui-
bus Papam, obsequii causa, Romam
comi-

(*) Huic epistolæ Manuel Imperator ita sub-
scripsit: *Manuel in Christo Deo Fidelis Rex*
Porphyrogenitus, Sublimis, Celsus, Fortis,
Augustus & Imperator Romanorum Comme-
nus. Unde videmus duos adhucdum illa ætate
extitisse Principes in Oriente & in Occidente,
qui se Romanorum Imperatores dicerent, quo-
rum alteri satis ambiguum & vacillans, alteri
nullum Romæ erat imperium. Ceterum ex epi-
stola Manue lis ad Regem Ludovicum Fran-
cum data probatur contra Protestantes Græcæ
& Latinæ Ecclesiæ, in veneratione Romani
Pontificis, concordia.

comitari jubebantur. Papa Messana sol- Sæcul. XII.
vit mense Novembri, Salernum & Caje- A. C. 1165.
tam divertit, tumque per Ostia Tiberina
invectus Ostiam appulit, ibique noctem
illam transegit. Ubi vero altera illuxit
dies, maxima populi frequentia, Sena-
tores, Nobiles, Clerici, Roma egressi
venientem Pontificem excipiunt, ramos
olivarum portantes, summamque profi-
tentes lætitiam. Ceteri quoque Clerici
omnes Ordinis sui vestibus induti in via
præstolabantur. Adfuere etiam Judæi Le-
gem suam pro more brachiis deferentes.
Adfuere Tribuni cum suis vexillis, Equi-
tes, Notarii, Judices, Causidici, &
ita solemnii pompa procedentes, alter-
nantibus cantantium Choris, ad Palatium
Patriarchale in Laterano deducunt. Age-
batur dies vigesima prima Novembbris,
Indictione decima tertia. Triduo trans- to. 10. Conc.
acto Papa, data epistola, Henricum p. 1370.
Archiepiscopum Remensem ejusque Su-
fraganeos adventus sui in Urbem certio-
res fecit, memorans, quod in itinere
multas ab inimicis sibi structas insidias,
nempe ab Imperatore Friderico & Schis-
maticis, quos tuebatur, evasisset.

§. XXI.

*Epistola Arnulphi Lexoviensis ad
Thomam data.*

*Sub idem tempus, cum Thomas Can-
tuariensis*

i. ep. 85.
tom. 2.
Spicil.
p. 485.